



列聖御製十

翼宗朝

共

16
2312
32



和
2312
卷40-32

列聖御製目錄



卷之九十二

翼宗大王詩

卷之九十三

翼宗大王詩



列聖御製卷之九十二

翼宗大王

詩

早梅喚醒醉眠翁

數間茅屋無心坐一曲桃源未老翁
 輕蔭籠簾春窈窕淡烟歸壑月玲瓏
 襟好倚飛仙閣醉夢方甘化蝶風
 禁苑韶光千樹綠山庭夜雨百花紅
 誰將悽笛三聲遠喚起高眠一枕空
 落子聲傳踈檻外高松影拂小墻東
 青驢間繫烟橋畔白鶴時聞王洞中
 七逸竹林晉代景新詩一幅貯雲筒

夜朝 金殿應製

瓊苑仙桃千歲結龜生碧海永斯年 聖王仁德
履堯道八域元元戴舜天

謝 恩賜筆筒

金門此夜漏聲傳珍重 恩頒降九天前席小臣
何報答微誠長祝萬斯年

詠白玉梅花簪

趙氏連城璧瑛光傳古今誰能得此寶巧琢梅花
簪

山中獨坐五首

獨坐無相親對松心自閒月上千林靜彈琴話故
山

山靜草廬僻北窓話客心葛巾也照月彈我無絃
琴

月色照松徑鶴鳴依竹扉愛山別有境高客樂忘
歸

殘夢空山冷君鄉天一涯曉燈伴落月書榻對梅
花

山深人跡稀林屹鳥飛絕獨坐何所思悵悵似遠
別

塞鄉曲

梅花笛裏曲忽發關山響皎皎今宵月應照戍樓上

登黃鶴樓

第一樓臺水月清雲光岫色滿江明無邊落木烟波濶天末遙聞鶴唳聲

花御史

聞道王生居山名稱九里清香繞草廬踈影照溪水王骨還疑仙冰姿可友士古今多品題劉子獨花史

漁舟浪吟

君不知漁翁名謫仙後白也不用金錢買風月滿江野

漁舟詠月歸

江風疑秋至篷窓垂釣竿天上一片月來印水面團昔日蘇仙遊此夜漁夢殘話別烟江頭停盃數聲嘆鳴鴈何處歸星露滿衣寒

十五夜泛舟太液池

上苑今宵月龍舟泛液池太平同樂事既醉更洗卮

舟中浪吟

何日謫仙采石泛乙船醉月倚蘭橈千秋仙跡留
江上良夜思君吹玉簫

即景

小艇漁翁也自樂夕陽白鷺眠蘆汀江湖風景清
如許欸乃聲中遠岫青

梅花月廊暗聞香

空山寂寞竹林傍一樹梅花隣月廊窗外弄珠冰
貌潔淡粧玉蘂動清香

山樓看月

獨坐燒金篆思依烟樹間相看霽後月只對仁王
山

獨坐間齋小雨濛濛得陸詩韻為賦二首

獨坐間齋日梅花賦小詩可憐簾外雨騷客添愁
時

濛濛雨方塘梅花粧畫廊暗林啼小鳥無事更燒
香

山庭小雨梅花寒愁

刻燭

閒齋午睡足竹外雨聲殘隣榻暗香聞隔簾孤月
寒踈枝交亞亞清蘂更團團化蝶偷莊夢栩然繞

曲欄

烟波漁航浪嗙

烟波暗起塘扣柁歌滄浪魚入知藏影鴈飛更逐
陽剡風客棹快鶴夢蓬窓涼得月小航白我思天
一方

淮陰城下韓信報漂母

淮陰城下釣魚時誰識他年印綬垂厚意不忘漂
母飯市中年少更堪嗙

舟中漫吟

灝光涵大地明月照烟波赤壁千秋事舟中人影

多

鴻鴈三章

白露降矣于彼蒼葭鴻鴈歸兮楚天之涯興

遊江之野淡雲于天鳴鴈過兮聲依我絃賦而

鴻鴈于飛自東其聲所懷君子在水之清賦興

遲遲峴

今行多感舊此處故遲遲漸覺松楸遠那堪警蹕
移萬民瞻 鳳駕三日駐龍旗立馬不能去前程
有石碑

歷謁南關王廟

廟中深邃畫簾垂一炷爐香擁錦帷古殿霜銼凝
鳳榻春郊鐵駟護龍旗長鬚細眼英雄像金憤紅
袍蜀漢儀永鎮海東功莫大蒼苔不蝕勒庭碑

畫梅廊讀道書

君若與梅友清名聞石渠畫廊香燭夜靜對黃庭
書

梅廊齋居

齋居心淨肅晴夜坐長廊梅影多清絕虛樓喜聽
香

雨花園

小園雨後新眠不覺春曉清溪白石邊花柳間啼
鳥

寒食日早朝 紫宸殿

韶光萊闕路寒食去年同馬勒朱門北燕飛畫閣
東柳枝溪畔綠花藥殿頭紅春似唐園景可憐憶
杜翁

山齋小吟

空齋無客來山日照翠屏梅花小窓下閒翁春夢
醒

酉山庵拈陸韻

幽房棲竹榻靜夜伴香燈明月訪高士清風與道
僧

微雲又作陰

雨能成客病雲又滿天陰何得清明日鶯花潤我
嗟

雨霽山爭出

雨後雲收急更看出沒山方塘觀物理源水放潺
潺

愁與漏共長

風力打珠箔雨聲亂小樓雲飛目無暇遲漏共心

愁

禁苑春夜會宮僚

禁苑韶光晚羣仙會錦幙聊追宋朝事歸路分蓮
燭

暮春陪 鳳輦入蓬萊苑應製

昨日液池侍 袞龍又陪 鳳輦百花濃今年勝
事異恩重 聖世九如祝壽峯

夜侍 坤聖應製

咫尺侍 鳳榻冰輪放光輝 盛教在勸學 恩
露沾錦衣

山樓看月賦

獨坐小樓間只對西山月我懷在天涯鶴鳴聞踈
樾

陪 駕謁 宣禧宮臨太古亭書贈金世均

山靜草堂僻百花滿澗紅登臨多感舊太古晚清
風

寄妹氏二首

女道主幽靜其言載古書洞屬事君子相敬對賓
如忠孝我家法效此奉舅姑 兩殿簡訓重何可
忘須臾從儉宜惜福節用思所儲紡績妹氏職酒

食躬執厨性本賢且哲斷知養厥初嘉行學前史
溫質似明珠一曰壽無疆更祝鳳九雛

向來送車詩吾妹能誦否肅離冠王姬幽閒效古
婦鐘鼓在後前琴瑟御左右體下樛木頌雜佩贈
夫友若欲奉舅姑先孝我 父母入厨具甘旨作
羹必洗手華祝多男子箕疇一曰壽樂只積善家
五福宜永受

山中曉思

山窓殘夢轉曉思天一涯子規啼未歇庭月照杏
花

山中即景

山中日欲暮飛鳥喧花林夕鐘烟寺歇殘愁草堂
深

贈妹氏

女道在幽閒入厨奉甘旨雜佩贈此行洞屬事君
子

禁中燈夕

寶燈天上降金輦臨仙液火樹鰲山動花燭鳳樓
積彩簾萬戶紅錦帳千重碧笙簫傳新曲太平看
此夕

公主宅燈夕

綵棚連九陌歷亂衆星看蓮步移花砌芳容倚玉
欄殿頭嬌語鶯簾額近飛鸞撲地燈光轉登樓佩
響珊珊綵機雲錦織華燭寶箏彈微月籠珠箔輕風
透繡紈林鶯弄巧舌庭鶴勵雙翰花覆青羅幌雲
凝紫鳳冠清歌轉玉陛珍饌盛金盤是夕昇平宴
雙雙拜女官

採蓮曲

彩樓臨液池玉笛歌魚藻荷葉風舒卷龍舟攬小
島

獨坐

細雨輕風日小樓
獨坐閒相看雨不厭
只有仁王山

退食左掖

金門退食時
晝漏傳申刻
左掖畫樓高
閒居弄紙墨

即景

雨聲窓外聆
午夢初化蝶
金獸香烟重
華軸在青篋

騎馬過嶺望駱山下村

騎馬過雲嶺
東城羌笛聲
駱村楊柳色
處處聞黃鶯

上林即景

上林佳節至
綠陰勝花時
黃鳥柳間轉
飄風過液池

山中即景

空山杜鵑啼
柴扉日已暮
閒居無事中
時時用巾履

月夜懷人

朦朧月似畫
萬國梅花思
玉笛江城遠
風吹烟樹

時

清曉書齋和陸詩韻

東方曙色至窓外數鷄鳴觀物平生志讀書終歲
營殘燈一室耿孤月萬川明雨後踈蕭竹隔簾曉
有聲

書齋懷人

城南車馬喧不若山中靜細雨池塘邊迢迢望鴈
影

書齋懷人為賦二十字

獨坐清無寐燒香賦小詩可憐花圃雨惆悵憶君

時

採蓮曲

液水澹且清躍魚今可數採蓮桂棹歸波色勝三
五

林雨新晴與三數宮僚晚登芙蓉堂

彩亭臨玉淑禁苑晚來晴水淨看魚戲林深聽鳥
聲溪山濃霧捲簾幕午風輕日暮猶餘興燒香對
燭明

田舍即景

枝頭聞鶯轉窓外看雲歸夏木惠風至水田白鷺

飛

攬翠欄聞駱城王笛

茅亭瀟灑數椽足
隱隱松間對駱城
坐看窓前雲去白
步迎檻外風來清
更鐘長樂傳三夜
寒笛誰家送一聲
曲曲悽悽怨楊柳
不勝月下王關情

山中次前人韻

花葉山中曆風雨
靜裏賓撫琴北窓
下心玄太古人

酉山庵次李白韻

半壺濁酒醉風送
五柳春橫牀琴無
絃逍遙岸葛

巾高卧北窓下心似太古
人易安歸田里麋鹿與
相親

贈東寧尉

銀潢千派遠王樹萬枝春
以茲祝吾妹兩殿喜
歡新

酉山庵閒居

閒居山日暮
細雨掩柴門
鶴睡綠無容
驢鳴識有村
青蘿雲影濕
紅藥露華翻
左右琴書在
清遊得此園

山中聞杜鵑啼

空庭鐘響歇雲裏暗松寮林鳥報山漏杜鵑啼月
宵閒居思耿耿獨坐夢迢迢邵老住驢處天津有
古橋

閒坐

細雨蒼山夕閒坐草廬上半榻琴書淨相對更惆
悵

山中獨坐

獨坐茅堂靜橫經對碧山石逕無人到隔林啼鳥
喧

次康熙御製詠盆中竹韻

貞節貫四時清寒可傲雪高士愛此君小山幽棲
潔

蓮花之君子

亭亭花似玉清水泛香蓮皎潔秋含雨娉婷曉拂
烟芳心惟樂只真相獨天然君子稱君子神機隨
處圓

十九之夜退朝于書堂明月如畫能照人毫
髮喜甚步步至晚香軒山庭瀟灑小樓縹緲
仍拈陸詩韻賦一律

孤月明如晝輕風爽若秋聽溪生遠夢得句遣閒

蘇東坡詩集卷之十一
愁山影窺緗箔晨光入畫樓琴書自可友從此亦
宜休

坤殿千秋節早朝口占

鐘聲天門遠候班鳳池頭警珮玉欄外 御香袞
龍浮

即景

山亭日暮時窗外蕭蕭雨獨坐心怊悵可憐聽鸚
鵡

武侯壁

老柏錦城祠至今人敬仰乾坤有大名統素傳遺

像風雪自龍岡干戈猶鶴氅才高八陣圖智邁千
夫長天下地分三渭南師出兩丹青觀典型髣髴
聞音響碧草暎緗簾清飈褰繡幌平生開濟心萬
古堪懷想

即景三首

日暮駱山遠兩三星在天高樓獨倚立玉笛到風
邊

讀罷東坡潮廟碑夕陽已暎半山時晚風簾捲香
烟起蕉葉新題十字詩

下簾竹几淨靜坐讀書閒蒼蠅不敢近燒香小窓

間

夢倚樓夕眺

山庭綠蔭多間寂小樓卜霽色籠花林斜陽暎茆
屋鷺鷥風檻過蜂蝶蜜房宿爽籟隔簾生千林雨
意逐

即景

竹几黃卷在窓前亂雨聲林風鳴玉磬挑燭聞香
清

靜坐書齋雨聲亂於窓外明燭焚香靜讀韓
文仍次三淵夜坐詩韻

靜夜風聲亂珊珊簷磬鳴研屏花墨暎竹几篆烟
清隔磔林將曙通宵雨未晴讀書更漏盡誰與共
論情

景祐宮祭禮後有感

瞻依惟 廟在齋服不勝情清淚追前感明禋報
本誠簾櫳皆有序松柏自成行 誕聖功無極
慈恩慕一生

歸遲遲

孝思多悽感龍旂駐幾時斜陽嚴鼓動 仙蹕故
遲遲

攬舟樓
落日半山映漁舸動夕洲輕風水面至梅笛使人愁

舟橋行

漢南大道接 仙園一帶露江江水長粵自己酉
歲一幸編連巨艦成天梁截流恰容四十艘建旄
為號颭央央兩岸戟門高入雲雕欄映波作屏障
中通御路直如矢天水涵碧相盪颺共迎 法駕
旗鼓整六軍一時齊雄聲 雲蹕昭回安且穩萬
民瞻望環如城小子陪 鑿欣更祝正是天氣又

清明

華城篇

堯有華封祝築城仍作名四門相對起粉堞周而
迎長樂感 聖意得中瞻舊銘枕流華虹門遠矚
訪花亭行宮何壯麗瑞氣日崢嶸西臺閱甲兵南
樓宴老人 陵園入密邇 原廟愴更新萬石渠
邊水貯洩與民春夾路楊柳多一色綠涵嵐 鑿
蹕言旋穩羽旄欣共瞻

長樂堂

奉壽堂邊九曲屏重房複壁漏丁丁煌煌長樂門

死聖御製卷之卅二
十一
楣下庭草堦花映檻櫺

陵所

仙陵何惹鬱百靈自呈祥今日 聖慕切恭瞻緬

羹墻

園所

園封多吉氣龍鳳正飛翔陪 鑿展誠地俯仰愴
更長

華寧殿

原廟宿衛地朝 真却肅然絳幌心香繞陪 蹕
恭周旋

東將臺賜米

東臺賜米愛元元扶杖貧民膝抱孫戴白垂黃咸
祝 聖昔年遺老至今存

壯南軒

南都排置壯軍容城郭樓臺列幾重五梁丰茸如
鐵甕昇平日日報邊烽

聞有聲自西南來

方夜讀書廬陵宅浙瀝蕭颯此何聲喚起青童出
視之云在樹間天河明翁曰悲夫秋聲也淒切慄
冽而高晶團團玉露黃菊晚瑟瑟金風丹葉輕鶴

疾憂王九臯遠竹林禽漏秋宵清長天一色渺西
南月射林末歸鴻驚衣素羽而嗅餘馥佩幽蘭而
啜殘英自號六一多白髮題詩蕉葉字如瓊童子
垂頭睡莫對香烟四壁蟋蟀鳴一代文章鳴大宋
騷壇鼓角留芳名

即景二首

柴扉山日晚風雨使人愁踈箔香烟重書聲在小
樓
雨歇山中靜草廬燒香只對一牀書柴扉日晚多
啼鳥綠樹空庭繫蹇驢

山中寄人

雨後山中靜聽泉更彈琴鶯愁金衣濕嬌啼葦翠
林

鸚鵡詠

聰明丹玉喙下上綠衣身夜夜夢西蜀籠鎖詎堪
親

讀書即景

靜夜虞書讀精神覺清明聖賢垂至訓頓忘鄙吝
生

龍驤鳳翥亭

鷺湖春水渺連天 御路虹橋簇簇船日午行宮
臨 寶座紅旌分立綠楊邊

始興堂

清朝涉漢水旁午到始興日暖停金馭芝山淑氣
凝

凝鑾軒

肆覲行宮是廣州山光野色入高樓年年 駐蹕
勞軍地雲氣常依錦幄浮

梅香橋

長安門接梅香橋花擁金城輦路遙萬姓瞻旄皆

喜色華封之地又衢謠

新豐樓

築此華城幾費工浮簷縹緲額新豐欣欣父老爭
相告曾是斯樓賜宴同

王壺二首

往歲三清谷仙庄訪王壺林園何隱約水石自清
癯經史存心耳禽花與友于此中知有樂一部山
居圖

此山多窈窕余訪林下屋庭除正瀟灑壑何幽
獨垂柳圍成幔落花鋪如席水聲流琴響山氣攬

樹碧翰墨臨陶池杖履愛水石禽鳥自相親而無
紅塵迹更願安閒地百年孔無斃

謹次外祖府院君喜晴詩韻

霽光生遠樹巾服獨超然爽籟絳簾外清陰畫閣
前停驢看秀竹伴鶴聽新泉仙躅追難得溪山夢
裏圓

山亭

空林爽籟遠巖礧雨新晴茅屋數間靜夕陽映竹
楹

夕陽歸山

泉聲自洞裏小徑蒼松環宿鳥喧幽處夕陽映半
山柴門開邃境茅屋在仙間巾服超然獨蹇驢隨
意閒

苑人獻黃杏作詩以賜入直春桂坊二首

團團朱果葉間香林兩園人奉滿箱桃杏也應齊
品樹愛看書架廣羣芳

橘楂時異味豈獨色勝金水晶盤中果芳香自近
林

即景二首

淡雲微月漾新明碧水輕風繡箔清十二珠欄詩

思遠駱城王笛暗飛聲

駱樓一聲笛落來詩人家微月清漢迥長風寶簾斜

田舍即景

捲箔水田碧月光暎草廬蛙喧當鼓吹青篋貯農書

即景

身隨皎月步東林星漢昭回玉宇心意在青霄騰苑鶴調高白雪譜牀琴簾鉤展錦凝仙露鑪篆燒香披道襟喚起青童茶沸否嘯唵不覺短宵深

即景二首

方夜青燈炯蕭颯金風來蟲聲唧四壁繡戶迎月開

蟋蟀報秋至明窓靜讀書青燈明炯炯疑是醉翁廬

書扇戒妹氏

視爾衿輦誠至慈臨 聖后夙夜心憧憧欽哉明命受懿範有四教以備為成婦家人與歸妹義象吉無咎猗歟二南化洋洋千載後歌叶夭桃巷詩成奠蘋牖余家賢妹爾姿令德且厚婉愉兼貞淑

幼儀學我 母與我年相近供歡膝左右年及十
五笄嫁作良士耦古家遺德行景祿宜永久貴以
千乘女得此琴瑟友勤工主絃紉靜軌惟食酒况
是高堂中鶴髮有大舅以順為正道洞屬執箕箒
妍媸看鏡面潛默守瓶口上堂先問寢入厨更洗
手古昔列女訓一念勤自守以是裕後昆昌熾又
艾壽至情存此戒銘佩慎莫負

贈妹氏

兄弟本同氣其愛不可忘毛詩詠棠棣我思積慶
堂

詠菊二首

淵明愛酒客黃華報重陽籬邊守晚節待豔醉餘
芳
冷香深秋晚金鈴披豔芳老圃經霜後搖落殿秋
光

詠雪梅圖

六出花狼藉紗窓半夜開玉骨疑仙容美人伴月
來

即景

井梧飄一葉颯颯晚風清山閣青燈夜孤笛暗飛

聲

題梅妃圖

畫妃難畫態自是性喜梅雪夜茅亭裏冷魂月下
來

秋日憶妹氏

獨坐晚香軒悵悵對仁山天濶雲容淡歸鴻何時
還

贈妹氏

覽彼紫荆樹歲蕤在幽谷枝葉自相扶精氣固有
屬藹然念天顯聽我歌此曲聞昔周王季因心友

則篤東平辭漢邸至今誦采菽唐樓五王枕青史
豔遺躅姜氏好兄弟寢卧共被襪分產猶稱薛齊
名更慕陸第以梧桐名碑仍棠棣錄古人固多賢
悉數難更僕女史及列傳種種亦可讀恭惟 乾
坤德神聖配貞淑弄璋復弄瓦幾年勤鞠育念自
棗梨讓兩情愉而睦結悅出門去君子温如玉卜
宅諒非遐馳輿亦云速有行終自遠歸寧且言告
那得常常見簡素徒相續婦道順為正念茲勤常
勗慎無驕貴念謙謙以卑牧宜室又宜家百年享
多福拜手瞻 兩殿恭獻南山祝

寄妹氏二首

尺素瓊函貯朝朝問寢來
慈情偏係戀遙望玉
窓開

鵲原前夜夢隨月到君家
窗外宜男草春風影半
斜

虹流聖節恭賦歡忱

曾聞閭苑仙桃紅王母携來奉漢宮
千顆玲瓏添寶筭萬年春色玉盤中

龜紋圖

君我同胞兼知己我兄君妹年參差
分形一根同

友愛供歡 兩殿承恩慈愛爾賢淑多聰慧
金王其姿冰雪肌玉窓夜讀列女傳羅幌朝看關雎詩
十五釐降逢好速華閨名門有佳兒福地樓臺起
主第丹楹畫簷光逶迤銀燭刺繡雙針弄珠欄理
粧曉鏡窺誰道女行父母遠有時歸寧言告師瞻
彼鵲鳩鳥來棲棠棣枝倚枕看雲眠寄書何太遲
登臨遙相望聊以慰我思雲端捲朱箔樓上擡翠
眉聲光如可接儀形互相知傍有兩幼妹牽衣左
右隨緬憶孩提日何曾有暫離對食同分嘗闔花
共叫竒友于根天性平生好相持一幅龜紋繡字

字中心貽

中夜策驢到百山庵看月色

幽徑月鬢髮萬松護山房寒鐘響仙界柴門小溪
傍獨坐思招悵風輕月滿牀清景盡難得空嗟且
徬徨

即景二首

月到蒼松裏風來畫簾間獨步山庭邃超然已忘
還

小屋蒼山靜孤月窺松屏清磬風前響徘徊倚竹
檯

倚斗閣十景

第二首
見別編

東樓迎月

禁苑秋新霽依依月上東白生滄海界寒入水晶
宮隔樹斜仍照和烟淡若空光明麗碧落真像畫
灑翁

北欄倚斗

原詩見
別編

滿庭山杏

前宵微雨過山杏減芬芳飛下魚鱗錯啣來雀嘴
香應羞梅蕊冷輕逐柳花忙開落皆天造明春又
豔陽

隔林子規

入夜雲林靜多情聽子規
叫雲巖竹裂啼血澗花
垂寂寂山深處依依月落時
微禽多警意惟有晦
翁知

清夜松籟

靜夜羣喧息寒松自起聲
清歸南郭几疎和女媧
笙擺雪叢筠響引風石澗鳴
虛中元有樂行看八
音成

晚風荷香

新秋開菡萏花氣藹前塘
出水亭亭影隨風冉冉

香潔宜君子操淡似美人粧
回笑繁華者牧丹獨
擅芳

黃花映樽

紫禁回重九黃花晚節孤傲霜
隣王陛含露泛金
壺名重陶彭澤香傳范石湖
釀葩成寶液萬歲獻
天厨

赤葉含霜

禁垣霜信早樹樹政酣楓着雨
臙脂落環山錦繡
同林收三夏翠風送九江紅
色色隨嬾變方知造
化功

霽後清蟬

忽覺微涼至千林聽晚蟬
口絨猶吸露身蛻却成
仙上苑秋霖後枯枝夕照邊
高風誰得似回憶伯
恭賢

雪裏鳴鶴

胎仙飛羽化色可雪中看
迥立千山白明分一頂
丹盤雲爭皎潔叫月倍清寒
應待山陰客翩翩步
石壇

詠菊

鶯裳金翅蝶豔姿最晚香
露凝秋夜肅且看石湖

芳

清韻樓聞笛懷人

秋夜東城笛隨風入韻樓
玉關萬里夢騷客更添
愁

秋日雨雨山齋寂坐夕間
聞隣舍砧聲為賦
一絕

秋雨日夕雨寒聲繞屋清
蛩驚窓下女始聞搗衣
聲

奉呈外祖永安府院君晬席

回甲前秋賀懸弧是日歡
人間遐福降天上壽星

看喜溢長春酒誠紆不老丹添籌君子屋湛樂露
溥溥

琉璃瓶觀小魚仍次稼齋韻

腸 璃壺魚在水湖渚幾時忘汝作乾坤界緣何斷是

見月 并小序

十三日侍 坤殿于澄光樓下玉華堂西

欄製進

王宇銀蟾冷彤樓夜色闌錦簾候月捲澄露濕羅
紈

西山賞秋

空林宿鳥止日暮蒼山家輕葉飄葳壑征鴻影落
沙匏樽釀白酒古逕開黃花應待東籬客柴門住
小車

次唐人韻

眉 落葉盡庭樹鴈邊無限思那堪聽蛩響空夜夢盡

偶吟一絕示宮官求和

粧 夢伴羅浮客寒香聞月牀王囊雲屋滿淡似美人

十九夜月白風清令人悄然獨坐書樓悵懷
伊人仍次農巖詩韻

夜深玉漏盡欄幽明月騰空淨漢流寒燭細帷人
語靜風生簾角也增愁

以梅花小詩呈右副賓客李鶴秀求和

淡軒愛寒玉美人夢半牀畫簾憐月影樽外點清
香

孤卧半榻打燈唵詩睡到閣梅方綻暗香驚
夢推枕靜坐焚香賦二十字

山室孤燈冷半榻詩思圓窓間美人影夢破一枕

邊

寄明妹

尺地貽阻久有懷多耿耿誰知鷓原夢中夜隨月
影朝朝平安字開緘梅窓靜惟爾歸寧日與我同
定省佇待王華堂談笑共清境君家在阿那倚欄
雙眸騁

山曉閣近體

茅簷懸古磬秋夢剩詩篔曉月孤枝鏡雲山半面
圭茶經殘火讀瓶史小窓批才子唵紅豆愁思一
葉題

小景

小樓畫出山居圖半榻琴書酒一壺自愛韻新燒
短燭只愁香散試殘鑪靜宵竹為詩前話清曉茶
因醉後呼林徑月穿驚睡鶴叩門別是仙家奴

列聖御製卷之九十二

列聖御製卷之九十三

翼宗大王

詩

題一琴軒

鬆雲朶朶護山窓半樹梧桐月一缸大界自圓環
似嶂諸天無礙碧於江評琴暗引松間鶴打睡殘
聆竹外猿夢隔前塵人影瘦蕭樓研露澆詩腔

題江山圖障

江天孤鴈影落葉半山黃形借忘機鶴心期保晚
香是非猶掛口封草已傾囊多事違磯約何時刺

野航

天一樓曉話

天涯鴈字落疎絃細寫遙情付舊年布衾冷枕如
寒士小冊殘燈做野禪半世吾生非幻夢空樽虛
白豈無緣騷壇寂寞詩兵老短笛誰家起曉烟

雪樓賞月

銀海沉沉夜氣寒盡簾生月近雕欄篆香金獸青
烟直茶煖玉鍾飲老丹

荳溪有病詩以問之

憐君病枕畔照鏡髮猶蓬小閣歸詩侶殘爐睡藥

僮情紆吳渚鷺夢隔楚雲鴻空戀荳溪老寄緘山
影東

小景

山徑穿瘦竹溪屋縛香茅婉孌雲層岫婆娑月半
梢蘭如良友得梅似美人交讀罷茶經歇新詩手
自抄

詠梔子

禪友何時到來自天竺國竒葩含妙香清淨好顏
色

詩牌集字詩

孤艇夕陽鷺蓑捲杏花村裏兩三家身閒綠野生
涯淡獨釣蘆汀細雨斜

送別三行人

東溟竒士送西那裁唱都曇畫鼓歌星使月卿鞭
海馬羶車蒙帳駕風馳蒼螺點點鄉山遠紅鶴嘹
嘹古野多梨雪別愁含磬口逼春佳信夢纏柯

西堂曉草

詩檄篝燈草墨兵戰睡魔青篋鳴銅鼓文山筆塚
多

月朗風清余方鼓琴鶴自來舞仍賦七絕

巧修月斧冰輪輝山閣羅琴動玉徽鶴影婆娑看
影舞圓音無上世間稀

題西堂櫺葉牋

讀盡西堂半榻書鯨燈殘火雨聲餘小窓一夢忙
茶事冷話無塵竹友居

禁中最重端午節每節至宮人鑊蒲莖為花
枝挿于鬢是日着羅衫子戲鞦韆

內家最重端陽節競挿蒲簪巧搯花疊雪香羅衫
子色池邊垂柳鞦韆多

小景

小樓簾月暎清夢一燈懸睡鶴林間靜幽泉竹外
穿茶濃看似蟹琴怨聽如蟬此境誰能畫試移米
芾船

題缺四首

嬌柳烟籠曉色微杜鵑花落杜鵑歸且看粉蝶惜
春去凭醉漫歌金縷衣

苑裏絕勝景宜與兩妹遊鵲鳩棲處地前有望沁
樓

誰想雲間人花林送酒榼爆竹蒸紅蟹煮泉羹玉
蛤松濤聽如呼竹籟響似答對月彈山琴清心厭

俗雜

鷓鴣仙班珮響新靈明鐘鼓戒清晨分明點檢文
星次應少南疆介憤人

漫題小窓

曉磬詩樓散寒星月樹回古鑪燒冷篆紋格拾輕
煤畫局傳神品彈絃待妙才豆園多夢客的歷點
新梅

春日訪花小徑深

名園自是多情處春日訪花小徑深深徑無人春
色早年光不使徧西林

題缺

詔書初下大明宮天樂時聞王殿中宮女已擎黃
錦帕曉霞映箔瑞光紅

題齋壁已丑

竹爐侵冷篆如絲雪壓梅花玉百枝層閣軸簾評
董畫小窓撚蠟叫錢詩林空鶴夢驚山月漏靜琴
譚伴夜棋欲搨古碑藏淡墨硯屏深處凍雲癡

贈竹坡徐長公

淡蕩雲水性琴冊友缺年寓物數竿竹觀心一朵
蓮忘機同渚鶴脫化似秋蟬身眼無塵礙看空智

鏡圓

徐學士雅几

彩堂耀壽極山色入簾高和風吹碧竹春日映紅
桃天香携寶篋萱葉近斑袍待君圓一榻金尊酌
芳醪

寄贈金尚書香墜詩什

玉宜君子佩淡泊不凋光古竹雲生月清風惹袖
香

蒼鷹山莊

萬密雲松石楠峻穿螺細逕樹根藤鐘嚴貝闕三

列聖御製卷之九十三

五

更月一面山容畫翠鷹

菊

巧剪宮羅別樣花淡粧顏色競相誇石湖本是無
奇種堪把輕枝較內家

思人

山樓無聊坐悄然聽篴篥悲歌慷慨志風物尤增
愁

寄內室

國風頌任姒賢德垂古今樛化二南洽願君存此
心

鸚鵡

聰明赤玉嘴翠色宮衫新敲架嬌如弄隔花聲似
嗔翎毛惱畫史標格驚詩人歸夢在西隴舌端吹
儼筠

題訣四首

山霞侵竹室蘿月映屏南疊石雲生碧荷香貯玉
潭

花聲空惱午攔人鳥夢無愁古澗新居竹巢雲山
意態一杯紅露錢殘春

竹檻聽紅雨山春謝素園鶯流枝上下燕蹴水中

翼宗

列聖御製卷之九十三

六

間牧笛穿松徑醪香問杏村片舟忘世路更與白鷗言

曉箔驚殘夢雲生疊岫來石穿泉響遠林隔鳥聲開盡月菱花鏡迎風竹葉杯詩愁空寂寞遠檻乍徘徊

一半櫺八景

蝶 注水花盆中浮紅間翠葉間夢伴仙枕化飛栩栩

右灌花

細雨藥欄外花林鳥語喧綠窓春日永人間獨樂

園

右聽雨

舞 夏日草堂中橫琴思太古雲間逗一曲庭鶴自來

右彈琴

境 捲箔納涼風抄詩遣日永牕前蕉葉長睡意入詩

右抄詩

情 玲瓏秋月好世界大光明愛此光明照開簾若有

右看月

櫳頭月色好閒坐讀牀書潛心何所得一理靜觀
初

右讀書

牕前千尺雪試茗清香新留客良宵話此間淨無
塵

右試茗

數椽茅屋裏燒篆對梅花我夢青山去應尋處士
家

右焚香

蒼筤樓四詠

種花欄外地春雨小園中隔林山鳥語如意一枝
筇

右種花

入林鶴子睡先問竹平安夢中淇上客牕外碧琅
玕

右問竹

鶴自孤山到真如道士來泠泠古琴響松風雪裏
臺

右寫琴

蕉雨山樓靜
人間樂此居
草堂清不掃
架上五車書

右閱冊

竹鄉小築四詠

卜築竹西宅
晴牕讀古文
棲身塵外界
筇稜生花雲

右讀書

山人愛草屋
雲裏幽篁陰
一曲松風操
自鳴石上琴

右鼓琴

幽夢曉牕靜
風聲撼竹枝
殘燈照四壁
月在西峯時

右曉夢

鶴歸山下宅
人在共談缺蘿
月與松風清
宵不用價

右夜話

仙侶曲

人於山水間
學吹鳳笙弄
安得遊仙枕
清宵化鶴夢

思歸

月與山人來短琴橫竹几松濤中夜鳴清夢在雲裏

蒼筤樓

書簾與琴劍真如蒼士居古樽竹露酒隨月在吾廬

竹鄉小築

吾自籠山來水聲猶在耳松風十二絃鶴夢碧雲裏

招隱三首

放鶴白雲歸青山古宅里數檣蒼士樓九曲王溪

水

蒼樓雪月夜疊石對山人移榻幽篁裏清風嘯響

新

吾愛蒼山宅自言蒼山人古澗花自落新築小洞春

夢罷曉起即吟

夢覺孤燈殘風松掀月影牕間物外人無說坐觀靜

銅鶴

雕工全鬼斧畫蝶妙通滕清似悟心佛寂如持戒

及聖後集卷之九十三
僧身留蒼王塔羽鎖赤金繩雲水歸虛夢應為野
鶴憎

喜看當牕芳樹綠

倒景斜穿不礙牕簷前王樹暎成雙風枝拂檻驚
殘夢芳蔭移詩滿瘦腔青訝雲光朝出岫綠如潮
色暮連江幽居宛在蒼涼界仙逕隔花吠雪狷

題缺

素質摹天象空明射雪巖驚魚看影訝瑕玉妬光
讒漾似籠新月停如約遠帆倒壺珠湧瀑飛沫灑
寥寥

千里鏡

剖理精如線纖毫豈可忘淺窺搖水月敲照泛沙
棠無礙旋雲鶴分明卧雪羊片光懸漢殿千里辨
王嬙

西湖圖墨

品擅文房友湖山夢畫靈抹濃雲影活纖巧斧痕
停纍似層層塔排如疊疊屏此身能化鶴飛到兩
峯青

自鳴樂

噌吰鏗鎔響繁疊似秋濤切切間金板珊珊越王

槽散聲浮泗磬餘韻歇蘇艚巧合歐羅譜清么怨
絳桃

大殿春帖九首

慶溢東方百祿道又從新歲迓新休禎祥已驗星
臺報 寶曆重添海屋籌難老 天顏方頌魯永
年邦業用祈周千秋但願如今日曉押朝班拜
冕旒
匝域藹和氣春來物物昌配天敷一德回泰屬三
陽鳳曆初頒瑞龍墀早履長庶民均錫福作極頌
惟皇

愛此簷前日舒長引 寶齡千門增氣色九闥護
神靈慶和南風曲祥瞻北極星明年躋四紀羣賀
爛盈庭

聖德如天洽好生一團和氣八方盈東皇似識
仁君意故促羣芳早發榮

仁壽元來理固然願 君天佑壽齊天一春每計
八千歲更度八千千又千

五更三點點朝班 寶座遙瞻淑氣間拜罷千官
齊攢手願言北斗與南山

宸極擁祥靄宮林開畫圖 聖人方在上春氣無

時無

殘雪融融薄御溝流水滋請看 宗社慶昌熾有

如斯

慶洽貽謨地誠深幹蠱初三朝亦再飯此樂正何
如

中宮殿春帖九首

邦籙如川歲歲臻新休 重壺又茲辰坤元贊化
登三紀婺彩膺祥恰四旬琴瑟鼓鐘諧 兩殿岡
陵日月頌羣臣兕觥拜祝無疆壽自此千春又萬
春

久播宮人頌女堯復見今含光符地道資物協春

心時

缺

三元屆天應百福臨昇平真有象祥靄繞

宮林

宮姬齊拜歲逐隊競繁華戴髻金粧勝傳盤菜剪
芽新醅傾柏葉嘉瑞頌椒花搃賀黃裳古今春福
又加

登堂一闕南陔歌有酒盈觴旨且多但似西方菩
薩佛無量遐壽較恒河

吉慶前年始抱孫含飴至樂復奚論從今國勢如
磐泰萬世難忘 太母恩

淑氣氤氳殿角風上林三月百花紅宮娥解報春
消息每日新添一線功

穆穆閨門化吾東又二南六宮春有事蠶績獻繅
三

波暖龍池北風微鳳閣西宮桑三月綠處處聞黃
鸝

慶同魯壽母德配周賢妃我有老萊服年年願不
違

大殿春帖四首

年年春到賀元春况復今年屬慶辰南極祥垂登

四紀 北宸光御恰三旬昇平有象治皞皞泰運
無疆祿臻臻試看上林紅紫處吾東佳氣一時新
歡聲均八域佳節屬三元挹斗期難老齊天仰獨
尊春入金花勝香傳柏葉樽千秋同此樂蹈舞綵
衣翻

吉慶今辰降自天平明朝賀 紫宸前願言壽似
南山鞏留得長春萬萬年

一年集兩慶歡樂最今朝五福壽為首封人祝帝
堯

中宮殿春帖四首

聖恩日出集祥禧臚唱千官拜賀時 坤德無疆
元作配天休攸降慶如滋瑤琴和響方三紀銑樹
分輝已兩暮始自今春籌缺錄於千於萬與長期
賀此新年慶歡聲動 翟幃寶齡同魯壽令德襲
周徽簾映芳春物簷垂瑞日輝斑衣恭獻祝千載
願無違

慈慶殿前拜 女堯葱葱佳氣藹元朝六宮齊頌
千官賀熙象今春畫莫描

殿角祥曦轉仙盤繞五雲願移春色相圖畫太平
文

紅豆園十詠

誰覺圓生夢耕雲小築莊梧垣馴野鹿竹缺牧花
羊苦茗支僧供香烝半鶴糧縹緗粧石笈種種畜
書倉

右築亭

泉林多寂歷因夢想清靈曉雨鳴山磬深雲注月
瓶詩樓評石史香界品花經世劫人多醉空窓我
獨醒

右供花

人似蓮花淨心生不染心露凝紅豆樹曇礙石榴

林簾邃評殘畫窓涼枕一琴竹陰清可友山月拂
輕襟

右友夏

閒閱瓶花史梅香睡鴨移琴彈鶯脰曲牋寫柳枝
詩竹溜茶鳴鼎松風鶴拂碑簾涼真妙湛看取一
枰碁

右納涼

百衲彈三疊遙峯似曉鬢淡雲輕寫石秋雨小蘆
山殘月穿松隱枯僧化鶴還世間多少事因夢未
應閒

右彈琴

曉思湘鴈外秋夢細如繩雲窟鳴銅鼓山窓耿石
燈法壇知寂寞詩境愛因仍葉幻飛紅蝶歸僧掃
月楞

右唵夢

靜樹寒山外輕雲曉月南高樓浮鴈塔小室摘星
龕清磬仍圓夢殘燈伴曲談須多幽唄響心似鬱
頭藍

右揭磬

畫裏重看畫摩挲古印窠燈南驚曉夢硯北惱詩

魔半架探真蹟圓窓學佛訶茗餘抽蟹爪落墨似
毛駝

右評畫

羅浮還舊夢山館對殘宵曉月縈風磴幽僧試雪
橋檀心占玉蝶梳貌寫冰綃仍境詩魔惱寒爐篆
半消

右看梅

斗室梅花帳窓南雪作氈新詩應曉鈔古易幾番
研想夢山雲細空心海月圓半爐燒石葉風雨一
燈傳

右燒燈

詩牌

錦字千回疊斑斑鴈背雲正竒蛇鳥陣紛錯鸛鵝
軍自有蒼筠削空傳白楮焚但勞心暗織何費筆
輕耘

玉簪花

無塵仙境地寶藥香如沈迎輦千疊色朝看白玉
簪

題畫吟

朝出平湖上清波一葉舟醉歌逢李白飛檣下仙

洲

聯句

雪夜拈唐人韻與宮僚聯句

夜靜雪花白春心留閣梅

入對春坊李紀淵金鎔桂坊鄭基一賡進

書軒翫雪會聯句

金樽酒已熟 璿衡滴漏深

入對春坊金鎔李憲兢桂坊李秉奎賡進

賞梅聯句

雪裏留春意 伴月隣書榻

入對春坊金鎔李憲兢桂坊金鑣賡進

做武夷精舍詠聯句

茅廬十載在滄洲我且停盃唱遠遊

入對春坊金鎔趙容和桂坊金在宣賡進

山齋夜集聯句

遙岑雲月裏華燭盡簾間

入對春坊李紀淵金鎔桂坊金命喜賡進

籠山小集聯句 并小序

春晝初舒山齋且靜步步至玉流泉上時

二春坊侍

小亭通石徑惻惻耐輕寒
礪柳春心動窓梅雪
意殘

入對春坊李紀淵金銘賡進

太液聯句 并小序

雲淡風輕春日晴妍與二三官官午憇于
太液亭

樓閣五雲裏 鸞鶴奏清音

入對春坊徐左輔金銘桂坊金取秀賡進

見新月聯句

今宵月正好 騁眸更上樓

入對春坊李紀淵金銘賡進

弄白鶴聯句

憂王松間步 天風萬里歸

入對春坊李紀淵金銘賡進

禁苑雨花聯句 并小序

小雨新晴苑花方綻令二春坊入對于太
液上仍與聯句

禁園新雨後 樓臺映紫霞 笏外看雲岫 石

徑晚停車 松濤眠瘦鶴 祥烟擁翠華 和氣

透深谷 香啜雨前茶 新衣初製袷 詩題鳳

尾芭 苑柳初飛絮 茲會極清嘉

入對春坊李紀淵金銘賡進

山樓夕眺聯句

西風響梧葉清夢倚山樓 窓外烟籠竹墻頭露

浥榴

入對春坊徐左輔金銘賡進

淡如軒小會聯句

楓林霜意動山氣透輕紈 午漏鶯聲碎秋花蝶

夢殘 牀琴彈細細簷磬聽珊珊

入對春坊徐左輔金銘賡進

梅花初月夜話聯句

月榭開簾影梅窓繞篆烟

入對春坊金銘金興根桂坊鄭善教金永

錫賡進

籠山會宮僚聯句

洞邃雲烟靜山幽石徑寒 新詩收寶篋冰濕更

相看

入對春坊安光直朴容壽桂坊李秉奎鄭

善教賡進

靜含太古山房夜會宮僚聯句

海月清波今夜影洞雲深境此山家
行看松柏後凋節歲暮猶能倚古楂

入對春坊安光直朴容壽桂坊金永翼金
取秀賡進

梅樓迎月聯句

畫閣香風動箔影雲天夜色正蒼蒼
靜坐喜看今夜月閒居樂閱古經箱

入對春坊徐左輔朴容壽桂坊金鑣賡進
山樓詠梅會聯句

相對春山麗日晚深園客到敞茅亭
精神半透

輕紗絳氣味遙含暮宙青
清切同調隣竹榻蕭
踈作影蔭松扃

入對春坊安光直金鑣桂坊徐任輔金取
秀賡進

小酉齋齋居聯句

圖書仙府靜齋服喜端明

入對春坊徐熹淳金蘭淳李憲瑋徐左輔
李圭祊安光直南履懋金鑣宋持養李景
在桂坊徐任輔金永翼李宅鉉朴宗吉金
大均朴宗濂金命喜鄭善教金鑣金祖根

金寂秀趙鶴年賡進

園雪初霽簾月生輝小燈閒話仍成四韻聯句

踈箔宜看月晴欄喜聽琴 小燈人語靜酒氣惹梅心

入對春坊徐左輔金銘賡進

山亭月夜與春坊學士聯句

留客掃陳榻綠溪轉邵車 可憐春已暮芳草媚年華

入對春坊李嘉愚金銘賡進

暮春田舍聯句

夕陽芳草初過雨花木參差映水田 麟鳳蒐羅金馬外鳶魚飛躍石渠邊 窓櫺靜邃籠晴靄村落嶙峋起夕烟 勝界粧成因地利神功噓茁見天全

入對春坊安光直朴容壽賡進

芙蓉堂小池泛月聯句

清風到水面霽月上東林 松蔭茶甌淨中宵鶴警音

入對春坊安光直金銘賡進

春坊齋居日與諸臣聯句
盛服齊明夜羹墻乃一誠

入對諸臣朴宗薰金銘徐熹淳朴晦壽權
敦仁金炳朝朴永元李嘉愚李魯秉徐左
輔李敏會朴容壽李景在李寅弼李根友
權漫成遂默金鼎集金炳元朴齊尚趙鎮
文洪百淳金初淳李俊秀李祖榮洪徹榮
任百秀徐碩輔洪益謨金在善尹興圭洪
鍾浩賡進

景祐宮夏享齋宿日聯句

靜坐心誠潔齊明盛服端

入對諸臣趙鐘永洪起燮金蘭淳金銘安
光直李嘉愚徐熹淳金炳朝林翰鎮李圭
祊李景在徐英淳趙秉鉉徐左輔徐有贊
趙斗淳洪在詰賡進

內閣齋夜聯句

宮林齋夜靜晝燭錦堂紅

入對諸臣朴宗薰金銘徐熹淳李紀淵徐
耕輔李嘉愚李若愚金正喜金元根李趾
秀洪永觀李昂在李景在李根友金教根

金大根洪在喆李殷相金炳元朴齊尚趙
鎮文李俊秀李祖榮徐箕淳任百秀金祖
根洪益謨洪鍾浩賡進

慶宴嘉會之日與進饌所堂郎厨院梨園提
舉聯句

海東初有慶嘉會屬昇平 與民同樂事此酒霑
羣生

入對諸臣趙萬永朴宗薰金教根金銘徐
俊輔徐熹淳朴岐壽李謙秀鄭性愚趙濟
晚洪羲錫李奎憲洪耆周賡進

賞花太液池與賓僚拈韻聯句

上林瑞旭漾輕霞邀我賓僚共賞花 蘇小慢歌
傳舊譜竹枝聲歇奏琵琶

入對諸臣朴宗薰趙萬永金教根金銘徐
俊輔徐熹淳朴岐壽鄭知容徐英淳金鼎
集洪鍾應金炳韶趙秉憲徐戴淳李謙秀
鄭性愚趙濟晚洪羲錫李奎憲洪耆周賡
進

清風閣聯句

小閣臨花礪年年勝會成

入對諸臣金銘徐俊輔徐熹淳鄭知容徐
英淳金鼎集韓宓履金炳韶趙秉憲賡進
夢踏亭聯句

畫閣寒燈留話客冰橋殘月步詩兵

入對諸臣徐俊輔金銘徐熹淳賡進

光明殿聯句

樓面秋風如舊友簾間曉月可新交

入對諸臣徐俊輔金銘金鼎集賡進

一琴軒夜會聯句

秋夢海山僧是友半生詩畫我為兄

入對諸臣徐俊輔金銘金鼎集賡進

一琴軒夜會聯句

梨雲籠水竹茶雨洗山柑

入對諸臣徐俊輔金銘徐熹淳金鼎集賡
進

月夜聯句

松針珠露滴簾角桂華流

入對諸臣徐俊輔金銘徐熹淳賡進

題缺聯句

山堂留客醉露淨曉燈闌

入對諸臣徐俊輔金鼎集金炳韶賡進

尚書畢講後映花堂入對聯句

問寢乘餘暇銅樓喜研經 盛筵如可再把月羽
車停

入對諸臣李羲甲趙鐘永洪奭周安光直
金正喜俞章煥金周默尹致秀黃浩民金
東健李寅弼尹興圭徐念淳成道默金永
孚洪耆周李憲猷鄭世翼徐京輔金弘根
李綱在徐碩輔申慈金在善吳致翼李敏
行賡進

樂章

進爵先唱樂章 戊子

珠旒面南羣仙拜金殿曉開蓬萊雲孔雀扇低璇
風轉王母屏深花日曛瑞靄籠錦筵蟠桃映玉樽
清歌緩彩袖翻冠佩簇立呼千歲樓臺百尺香烟
昏

蓬萊雲五章章二句

進爵後唱樂章

萬歲萬歲歌萬歲歲長春萬歲歡金盤映瑤桃
仙厨進王餐春不老樂未央八域方同慶百祿喜

無疆法搏新釀太和酒南極星光來泛觴

萬歲歡五章章二句

翌日會酌時樂章

戚戚兄弟莫遠具爾肆筵設席或授之几籩豆有
楚威儀抑抑序賓以賢其湛曰樂飲酒孔嘉並受
其福

其湛曰樂五章章二句

內進饌先唱樂章已丑

嘉會豔陽天錦繡開筵碧桃紅頰一千年上壽年
年花復實瑞蒂鈎連天眷 聖朝偏萬事圓全

寶籌添海祿如川八域桑麻人共樂化日祥烟

嘉會缺章章二句

內進饌後唱樂章

麗日舒長真化國綵仗翻風陣陣爐香馥 御座
中天喧法曲羣龍拜舞齊鳴玉瑞靄葱龍趨彩服
花覆金樽豔溢流霞酌一搯甘心千萬祝六宮下
暨蒼生屋

麗日缺章章二句

夜進饌先唱樂章

鬱鬱佳氣繞丹闕金殿瑞日曜繡扇初開明 寶

座香烟袞龍浮勻天樂奏九成迴波舞六么 聖
壽無疆樂此樂千年萬歲長若斯千年萬歲長若
斯

千年萬歲一疊

夜進饌後唱樂章

小臣奉杯南山壽千秋萬年永無疆朱絃玉管法
曲獻仙音承天奏 聖人千重繡香百隊綺羅歌
檀舞袖競紛華寶殿深彤墀高神京瑤臺一般神
京瑤臺一般

神京瑤臺一疊

翌日會酌先唱樂章

重明麗天萬象昭融昭融如何慶雲和風

重明一章

翌日會酌後唱樂章

堯文舜華丕開昇平昇平如何韶護咸莖

堯文一章

上壽稱觴翌日會酌慶日嘉讌千載一至之
盛事乃作歌頌之

今日今日千秋長若斯未央宮上壽宴慈慶殿奉
歡缺且樂昇平聖世今復觀

今日樂一章

致詞

慈慶殿進爵時親上 兩殿致詞 丁亥

王藻面南壽星耀北頌騰三爵慶溢八域周室綿
瓜漢殿含飴祝 聖五福非小子私

右 大殿致詞

翟儀長樂和氣氤氳至德配 聖洪福詒孫佐肴
蟠桃泛卮祥旭載謙載娛時萬時億

右 中宮殿致詞

仁政殿進表裏時親上 兩殿致詞 戊子

維天降 聖化洽八方乾坤配德日月並長於千
於萬俾熾俾昌誕舉縟禮載頌新章

右 大殿致詞

坤德無疆天休用申 母臨一邦光躋四旬功化
潛運吉慶游臻斑衣拜舞萬歲長春

右 中宮殿致詞

慈慶殿進爵時親上 兩殿致詞
神功普洽至德隆彰慶溢 兩殿歡均八方春氣
敷化壽星耀光 聖人無憂萬歲采康

右 大殿致詞

尊臨 翟儀厚載坤德 寶齡四旬籌添海屋長
樂萬年同慶八域小子奉觴北斗耀七

右 中宮殿致詞

夜進別盤果時進 兩殿致語

昇平嘉會北斗耀瓊觴何以祝 聖人萬壽無疆

右 大殿致語

慶年韶光我有老萊衣長樂新釀長春酒壽星增
輝

右 中宮殿致語

演慶堂進爵時致語

得壽大德至隆難名春日慈慶今辰祝華來歲如
今慈慶餘祝華觀盛事長樂壽酒蓬萊祥雲萬年
韶光

吉慶川臻北斗添酌南山有光 先致語

千秋吉辰 寶籌添海箕福永康 後致語

仁政殿陳賀時親上致詞 己丑

聖維巍蕩誕膺天休三紀垂衣四旬添籌歲元月
正大庭呼嵩小子遐祝億兆與同

明政殿進饌致詞

化隆卅載籌添四旬自今以衍萬八千春斗觴斟

霞極曜凝旒一堂騰歡八域同休

慈慶殿進饌致詞

至德享天壽曜拱辰丹宸布化肇三十春乾尊坤
厚翼子詒孫綢緼瑞旭豔溢華尊龍雲慶會軒鼓
虞絃時萬時億歲歲此筵

慈慶殿夜進饌致詞

灑灑壽爵以永今夕繡幕增高流霞添碧莫曰已
康祝我無疆願將此酒普霑八方

慈慶殿進饌致詞

至德融和誕受天佑而壽而康慶溢區宇猗茲四

甸肇萬八千中元介眉彌月開筵挹彼北斗酌以
東海祝我無疆曷任誠愛

慈慶殿夜進饌致詞

夜如何其壽曜煌煌盎齊溢壘寶瑟升堂絳紗銀
燭輝映 黼座金尺蟠桃歌頌胥餘今夕以永萬
年是傲用錫厥庶八域興孝

詞

讀書第春詞

昨夜東風動地來春光先向讀書第黃鐘聲裏葭
灰催一理循環自上世寒謝春回靜自識宮娥刺

繡更添織鸚鵡喜人簾外言梅花帶雪閣中飾東
皇按令節香陌漸融雪花意自氤氳鳥飛更迅迭
閣中梅欲妍冰底泉方潔曉漏新勝來朝盤細菜
列永言一百篇都是延春說

歸山廬詞

歸去來兮酉山深境五柳如淡雲暎菊欄纖月隱
楓除琴三疊松泉冷嘯一聲竹林踈下簾悵悵久
窓外鳥絕人影虛何處寒鐘來夜半恍疑孤僧叩
門秋色餘

冬至詞

繡機添線祥旭凝金殿王管撒灰春暗動漸見寒
梅花綻五雲書彩登臺曉頌丹莢歸來半夜潛雷
陽復千官朝賀蓬萊



